

籌辦夷務始末

第二函

十九冊

籌辦夷務始末卷之七十五

咸豐十一年辛酉二月己卯庫倫辦事大臣色克通額幫辦大臣多爾濟那木凱奏竊等語於本年十月十九日接准

欽差大臣和碩恭親王奕訢等公文內開奏請設立總理各國事務衙門並擬定章程前後十六條具奏欽奉

諭旨恭親王奕訢等奏遵籌新設衙門未盡事宜酌擬章程開單呈覽等因欽此等因遂將咨到前後章程十六條悉心查閱惟內有俄國新議行銷貨物之庫倫喀什噶爾張家口並舊有通商之恰克圖塔爾巴哈台等處並請

飭下伊犁將軍庫倫喀什噶爾塔爾巴哈台各大臣張家口監督
除俄國條約內第一條所載烏蘇哩。梭芬河等處不納稅
外其餘各貿易處所如舊有稅課應令悉心經理據實奏
報等語查俄國與中國商人互相貿易恰克圖舊無稅課
且該俄國續增第一條約內所定交界各處准許兩國所
屬之人隨便交易並不納稅各處邊界官員護功商人等
語等因遂將庫倫所屬各處悉心詳查俱無交納稅課銀
兩惟恰克圖庫倫兩處於咸豐十年二月由理藩院奏准
該兩處部院章京自奉

旨之日起於商民驗票項下出交銀兩扣足一年專丁解送理藩

院○以備王公康饋用項等因○仍應遵照奏定章程辦理外
等○惟遵奉

諭旨○以後遇有俄國緊要事件○相應奏而不咨○其該國尋常公文○
即按月信包物箱○等○仍行送交理藩院○
硃批○著照所擬○

庚辰○

欽命總理各國事務恭親王○大學士桂良○戶部左侍郎又祥○奏竊
臣等前准軍機大臣○寄來俄國木哩斐岳幅呈訴黑龍江
將軍不准通商咨文一件○經臣等遵

旨咨查該將軍○候聲覆後再行酌辦等因○於正月二十四日具奏

在案茲據該將軍覆稱。去年承准由京咨寄各條約。均即
飛飭所屬各城遵辦。並將告示張貼。惟俄人總欲多換米
新。以足其食。該地方田土瘠薄。米餉常恐不敷。向來禁止
換給。以重民食。該國恃有新定條約。狡然思逞。而兵農食
重。關繫匪輕。去年又遇歉收。不可毫無限制。已與黑龍江
副都統酌中詳覈。如有餘糧。亦可構即易換。以存駕馭而
免藉口。其餘照舊通商。並無違約等情前來。臣等亦知俄
國呈訴該將軍不准通商。必係不能遂其要求。故藉詞狡
賴。但未和其中情節。遽行駁斥。無以塞口而服其心。茲據
該將軍所稱。並非不准通商。其為該國藉詞挾制。已可概

見○至所擬辦法○於慎重民食之中○仍寓撫馭權宜之術○自
宜按照來咨○據情駁詰○臣等擬準情酌理○覆給照會○使知
該將軍辦理未嘗不善○俄國商人並受其益○中國斷不能
因其呈訴○遽換大臣○諒該國人亦當折服○

硃批○照
擬行○

恭親王等又奏○前因俄國秋宴場○欲赴居庸關○當經臣等
照會俄國○以秋宴場未持執照○遽赴居庸關○責以有違條
約○並於接見噶嘜嗎時○告以前情○據噶嘜嗎聲稱○秋宴場
因無人管束○任意游行○嘈嘈嘶嘶○已知其事○必當從嚴管束○
日內即有照會前來○即經臣等奏明在案○嗣據昌平州來

葉秋安瑪馬三匹車一輛於十三日由昌平州行至南口
岔道十四日仍回南口小路繞至沙河次日回京一路頗
屬安靜均在飯店天宿未向地方官索要供應亦未來昌
平州衙門拜謁等語茲又於二月十九日據噶嚕斯照會
以秋安瑪等因慕中國萬里長城實為出名當時京無喚
官堪為給照即自往居庸關嗣後必謹守條約札諭各屬
員知悉等語是噶嚕斯亦以秋安瑪未持執照出外游歷
為非惟不肯直任其咎然既能謹守條約札諭該國屬員
嗣後該國之人或不致任意游行

殊批知道了

恭親王等又奏。再臣等前將喀喇兩國公使到京安靜情
形具奏在案。茲於十八日未刻。佛國喀喇帶同哥士
者。美理登到。臣等公所謁見。並帶武職四人。隨同前來。其
餘隨從。半係借用喀國之人。約計三十餘名。均在門外伺
候。臣等與喀喇喀喇接見。該公使雖微能學說漢話。不甚
明晰。經美理登哥士膏代為陳說。據云。本日謁見。臣等十
分歡喜。今住中國。實為兩國永遠和好之據。並美理登將
將面談之語。譯出漢文一紙呈遞。臣等當經詳加察閱。文
詞拉雜。大致申明和好。傾心相向之意。臣等獎以美言。該
公使稍坐片時。即行辭去。臨行。美理登等並云。初次來京。

人數較多。五七日內。遣令隨從回津。其留京之從役。斷不能多等語。臣等擬俟一二月。再行親往答拜。殊批知道了。

恭親王等又奏。臣等接到崇厚稟稱。倭國吉必勳押送行李來京。即可回津。無多耽擱。並前護倭公使進京之兵。亦擬即撤回天津等語。十九日。先後據城門營汛稟報。十八日中刻。有倭官二員。兵十三名。出東便門前往通州赴津。臣文祥於接見哥士者。詢以兩國將來在京人數。據哥士書回信。倭國兵丁已於前日回津。倭國亦定於後日遣行。祇留八名。倭國所留。非十二名。即八名等語。與崇厚所稟。

均符。崇厚稟內。並述英國領事孟甘言。吧哩樓已在漢口
開埠。議定章程。商船到上海。由監督驗明。如無槍礮等器。
方發給執照。船到鎮江。再由英國領事查驗明確。方准赴
漢口。以杜賣給逆匪大器情弊。又述撰新聞紙內。現在阿
斯利亞國與意大利亞國。因爭地構兵。阿斯利亞國邀俄
囉斯布魯斯兩國幫助。而意大利亞國又邀佛蘭西幫助。
五國同時構釁。又亞米利駕合眾國。現有四部悉不和。自
相打仗等語。同日又接天津府縣聯銜稟稱。俄國駐津之
兵。現有四百餘名。已於十五六月陸續退出大沽。放洋南
行等語。在等竊思新聞紙所言各國打仗之事。是否屬實。

擬再向哥士者等設法探詢至佛國之兵陸續放洋究有若干名現已函致崇厚密探確數俟稟覆到後再行具奏殊批知道了

壬午

欽差大臣湖廣總督官文奏竊等奉到

欽差大臣恭親王等咨行頒發新議英哪各國通商條約規則行令一體遵照等因當經轉行通商關口遵照並曉諭商民各安生業在案茲於本年正月二十六日先有英國大輪船一隻駛抵漢鎮詢係上海寶順行即顯地行之行主章伯同英官臧司和通事官曾學時楊光璠並隨從人四五

十名。當訪漢陽府知府劉齊衡。漢陽縣知縣黎道鈞。候補同知直隸州蕭蔭恩。都司李大桂。妥為照料。二十七日。咸司利等入城。至署中相見。均各恭敬。據稱由上海來漢。查看地勢。立行通商。隨在漢口自託李大桂代覓棧房一所。每年議給房主租價銀四百兩。留通事官楊光謙。並從人數名住居棧房。李接見。以禮待之。甚為欣喜。即同該行主韋伯。於二十九日。仍回上海矣。二月初一日。又有大輪船。兵船四隻到漢。約載英兵三四百名。即有英。國參贊官吧嘰哩。並其屬官薩爾等。渡江至署中相見。吧嘰哩。禮貌暢漢語。心地精細。據稱由上海前來。查辦九江。漢口。開

港事宜。至九江口岸諸務。尚在未定。先來漢口查看地勢。建造棧房。其領事官。係由福建調來。風色不順。尚未至楚。次日又有暎國水師提督賀布。率所屬武官二十八人至署。來拜。鄂以禮款待。各皆欣悅。惟賀布聲言駛往上游一帶。鄂告以水溜灘多。諄切勸阻。而賀布云。往看水勢。並無他意。即於初四日開大輪船二隻。溯流上行。鄂當飛飭岳州。荊州。宜昌。文武各官。沿途照料。如暎兵上岸。示諭居民。兩國和好。毋須驚駭。又有暎官薩爾等數名。持有上海道印。照。即約內准其各省游行之條。由楚入川。往後藏。回天竺。當即代雇本地民船。並派候補守備墨爾根額。帶兵護送。

至曼州府交替。再由川省派員伴送前進。初六日。又有喚
八二名。往義河上行。亦經掌派礮船隨往。刻下尚未轉回。
連日吧嘎噠。於漢鎮下街尾楊林口上下。看定地基界址。
會同漢陽府縣。並委員等踏勘。量寬二百五十丈。深一百
一十丈。四至立石為界。現先由吧嘎噠至藩司衙門。給發
丈量地基對約。鈐用藩司印信。議定俟喚商領事官到漢。
傳集地戶房主。會同地方官當面議價。立券給價。交地後。
任憑喚商建造棧房。每年應納

國課錢。均由喚商如數完納。並議再有他國到楚。須在喚行
以下擇地蓋棧。不得上占正街。初六日晚間。賀布船回漢。

口沿邊稟報。僅至岳州。洞庭並未上赴荆宜。鄂先經送給牛羊煤酒各色賀布等。遞讓再三。均不肯收。初十日。鄂同司道等官。前往答拜。即日賀布開火輪船二隻。赴九江下將。十二日。吧嘰囉船亦開行。仍留英官夏姓。及火輪船一隻。停泊漢口。此英國官商。先後到漢。查看地勢。分別辦理之情形也。此次英船至楚。上岸入城。所用食物。均公平交易。商民安堵如常。鄂以禮相待。遇事剖以情理。英官欣喜相從。堪以上將。

宸廔據吧嘰囉稱貨物出口入口稅課俱在上海鎮江完納。九江漢口概不徵收。已與薛煥議妥。載入新約。概不二稅。楚北

無須添設關卡。以節糜費。每年亦無報解之款。僅須酌派
明幹大員。與該國領事官。籌辦日行事宜。如有因地制宜。
應行酌量變通之處。不在條約所載者。仍由督隨時奏請
訓示。或咨商總辦通商事務大臣。分別辦理。又現據漢官呈送長
江各口暫議章程一本。內載自鎮江以上。漢口以下。沿途
任便起貨下貨。不用請給准單。不用隨納課稅。俟回鎮江
照章辦理。亦由督咨明辦理五口通商事宜大臣薛煥查
覈。

硃批。知道了。戶部知道。

署理

欽差大臣山蘇巡撫薛煥奏。竊照味國國書及原本條約稅則。因海泥被焚遺失。將來遇有交涉事件。應照刊本為憑。臣於上年欽遵

諭旨。知照味國使臣華若翰。豫與說明。緣華若翰業已回國。當將照會飭發蘇松太道送交美國領事官轉遞。前經臣附片覆陳。並錄照會奏奉

硃批。知道了。欽此。茲據蘇松太道吳煦轉據味國領事官送來味國使臣照會一件。銜列水師提督署理全權大臣司姓。據稱華若翰告假不在中華。委伊署理。接准臣文。當查刊本業經通行中外。雖原本被焚。亦為無礙。況嗣後兩國有交